

皇明從信錄

皇明從信錄卷四十

秀水 沈國元述

癸丑 萬曆四十一年

正月、輔臣李廷機予告抵家、上疏謝恩、

閣臣請定會試主考、知貢舉官、

科臣官應震論閣輔獨相之非、向高力請推補、乞休留中、

羣臣合辭上請、福王之國、時張家灣以南、沿河一帶、

行船盡皆封禁、而南京差來船二百五十隻、船戶數萬、噉  
噉索工食、乃行期無定、人情弗安、益分封已定、則宮幃有  
必割之、留戀土田、有制雖寵愛無溢額之恩、私乞卽擇吉

唐行。蚤完大典。奏記

二月會試以大學士葉向高、吏部左侍郎方從哲充主考官。葉以內閣止一人入闈，票擬不便，再疏辭不允。取中周廷儒等三百五十人。

三月，廷試賜進士周延儒、莊奇顯、趙師尹等及第出身有差。考選庶吉士二十三人。曾楚卿、葉燦、陳玄暉、蕭命官、羅喻義、李國楮、繆昌期、李孫宸、孟紹虞、胡胤嘉、孔貞時、王應熊、劉鍾英、周希令、姜逢元、楊景辰、劉鴻訓、馮銓、韓繼思、王祚遠中廷議。暴謙貞、史永安以吏部侍郎劉楚先詹事何宗彥教習。

四月工部侍郎劉元霖都御史孫瑋各上疏乞歸

禮部言掌印缺官郊祀 冊封誰爲幹理吏部推孫慎行等請亟 賜點用以襄大禮○都察院請點用巡按御史以重地方

兵部請福王之國

內傳養贍地土不完錢糧未到今已春暮明春行閣臣葉向高封還奏本附揭云 福王之國日期

欽諭今春借錢糧土地爲辭挨改明春雖

皇上慈愛難割而衆口紛吹此亦非所以自明也 王國出糧悉照 親王潯府例應辦錢糧該部力措至如田土

則。編王地租四萬六千餘兩。多。潞府六千矣。且河南  
山東搜括已盡。尺寸盡屬民產。豈可強爲使地方擾動。  
王亦何能安享之乎。伏乞裁酌。

時九列空虛。而都御史孫瑋。許弘綱。又以人言求去。大學  
士葉向高疏略云。糾發奸邪者。固言官之職掌。而保全耆  
舊者。亦君子之用心。當此人才推謝之時。苟有可以爲國  
家用者。皆當愛恤護持。就事論事。勿因事而累其人。就人  
論人。勿因人而甚其事。居恆私念。今日之大臣。多昔日之  
言官。而今日之言官。又他日之大臣。昔日之言官。未必盡  
遜。今日之言官。而他日之大臣。又未必遽遇。今日之大臣。

易地而居則其情可見設身而處則其意自平  
日之大臣亦所以爲言官而總之皆爲世道耳代三

聖裁

以上俱給  
屏矣

六月武弁王曰乾計奏孔學等詛呪

聖母

皇上及

東宮事情先是日乾與孔學結告刑部事尚未了又擅入  
皇城放炮進本刑部欲當以重辟爾時內外皆張矣  
大學士葉向高恭慰

聖懷揭云臣密訪得王曰乾孔學等原京城光棍此事大

類往年妖書、但妖書匿名、無可究治、故難于處置、今告者與被告者、皆見在、法司一審其情、立見自伏其辜。

皇上但靜以處之、不必張惶、一或張惶、則中外紛擾、其禍將不可言、彼奸人不過拚一條性命、乃國家之所損多矣、是反墮其計中也、伏望

聖慈、炤察。○吏部尚書趙煥求去、溫

旨慰留。○都御史許弘綱致仕去、時議論煩多、大僚相繼引去、閣中請

嚴旨諭禁

報

七月、吏部尚書趙煥催請點用各省巡撫、內六省皆係緊

要地方。而河道南北咽喉尤一日不可缺者。  
八月。輔臣葉向高奏爲

聖節屆期。普天同慶。敬陳目前切務。一推補閣部九卿撫  
按臺省諸急缺。一起林下廢棄。一釋久繫三臣。奉

聖旨。覽卿所奏。其見爲國忠愛懇切至意。朕已悉知。但閣  
臣乃心膂股肱之任。非比他員。今允卿奏着吏部會推堪  
任的六七員來簡用。其大僚巡撫及廢棄。俟補各官。知道  
了。滿朝薦等。既屢屢懇請。着該衙門開寫來看。今朕壽節  
在邇。卿爲輔弼重臣。豈得不列朝班表率。而杜門不出。是  
何君臣禮體。着鴻臚寺堂上官宣諭朕意。卿可卽遵屢旨。



行用屢經

選出入閣視事。不負朕眷倚至意。不必再陳。吏部知道。給  
部請召用原任大學士沈鯉。先是科臣張延登揭云。自  
皇上御極以來。閣臣二十有一人。只王家屏沈鯉有立朝  
之節。而未竟其用。故部請特召以章眷念舊臣德意。奏  
九月新簡閣臣方從哲疏辭不允。

大學士葉向高奏爲

維世運

聖政推行有機。人情乖忤難挽。敬陳愚衷。共維世運。臣竊  
觀年來。中外所喁喁仰望者。不過曰。儲講也。封婚也。枚  
卜也。補大僚也。起廢也。釋繫也。今閣臣補矣。滿朝薦等放  
矣。各部所請之國事務已多得。

旨斷在明春無疑矣。婚禮亦必不久停矣。其大且難者已見施行。其餘當可漸次而舉。況有新臣受事。畢力贊襄。其功效當百倍於臣。臣故知

聖政之推行誠有機也。於此之時。使臣工輯睦以事

皇上。天下事自有可爲。乃藩籬未破。攻擊仍煩。遂令二三大臣相繼去國。紀綱爲之破壞。邦國因而將空。凡在人倫無不太息。且使

聖主愛惜人才。保全言路之盛心。反與優游不斷者同類。而共譏臣竊歎之。古人上殿相爭。多是國家大事。然猶不失和氣。今經年執爭。不過庚戌之科場。荆簫兩御史之行

辯曰。國南之論。劾以此三事。牽纏不休。貽累無數。夫此等事務。本不甚關於利害安危。若平心而觀。自無難處。卽小有不平。二三疏而外。便可歇手。而舉朝爲之開然。無有寧日。果何爲也。當列國分爭。與南北割據之時。則有某國人。某南人。北人之名目。今天下一家。萬姓一君。凡列朝紳。皆吾兄弟。何地無君子。何地能限君子。而畫界分疆。判若異域。如所謂秦人。晉人。楚人。齊人。潯人。云者。人旣以此加我。我亦以此自稱。匪但不廣。抑亦不祥。又何爲也。古人居廟廊之上。則憂其民。處江湖之遠。則憂其君。出處各異。設心則同。近來林下諸臣。皆有可觀。去國不以其罪。但使于

輿論共與者急推以盡其才衆志未同者緩推以觀其後  
大小各適其宜中外各營其職明亡羣盜自可相安而在  
朝在野頌言日生又何爲也人才之生最爲難得其才堪  
爲大臣者又經國家數十年作養方得成就當此大僚  
空乏之秋用人艱苦之日去一人甚易進一人甚難凡有  
心胸者當保惜微瑕小過可以包藏而門戶一分猜嫌四  
起牛山濯濯更尋斧斤又何爲也臣聞之物極必反勢窮  
必變今人情厭苦議論極矣紛紛攻擊之談亦淡然而無  
味矣九列寥寥行將盡矣天方悔禍使諸臣改心易慮迎  
聖上之善機成維新之美政從前頤頤之習返爲蕩平之

皇明倫彙編 家範典 卷一百一十五  
憂伏禍從此而消。則諸大臣雖去。當有補于世道。是社稷之幸。蒼生之福也。如或嘆前事之未工。尋廢轍于無已。力務經營。循環報復。則禍亂之生。將在旦夕。臣惟有掛冠一去。以天下事聽之新臣而已。臣每讀史間。見漢唐宋黨人之禍。皆與國家相終始。私心竊歎。以爲此端必不可開。此名必不可立。一開此端。一立此名。雖使大有權力如牛僧孺。李德裕之輩。能驅除滂滌。而通什邛興爲禍更酷。故常欲彌縫消弭。至于犯調停之議。而不惜今雖勞窮力竭。而區區一念。終不能自己。故復冒昧言之。伏乞

勅下部院參酌議擬。如臣言非是。當另行分別奏請。以聽

聖裁更望

皇上深惟治亂之幾益發風雷之勇并儲講大條起廢諸事悉見施行則人心翕服議論自消矣

後序奏

延鎮三捷

十一月延鎮三次大捷議行陞賞

十二月新輔吳道南上疏辭不允

福王請減  
正田

福王上疏請減庄田發內閣票擬大學士葉向高方從哲吳道南等回奏云伏蒙

發擬 福王請減庄田本

內傳前奉明旨已減過一萬如何又辭送票還照前旨出旨來此係舊例不是新特恩欽此臣等仰見 福王謙冲

節損爲國爲民之美意。眞足追古昔之賢王。不勝欽服。而  
皇上前此已減過一萬。今又惓惓以舊例爲言。亦足見  
聖心之無私。臣等當卽欽遵。擬上。但細查此項田土。委難  
處置。臣等亦千方百計。圖所以仰副

聖心者。而終不得其說。今幸王有此謙讓之舉。傳之四  
海。一日雷動。歡聲書之史冊。千古永標盛事。上光于  
祖宗。下施于蒸庶。卽

皇上與

皇貴妃。咸有休稱。雖使百萬庄田。其利不足以易此也。臣  
等敢不將順以成。王之美哉。惟是

皇上愛下之意不敢盡虛臣等再三斟酌謹擬二  
數責令該部務行湊足不許復有遺奏使王之令德既  
昭而于府中養贍亦無不給揆之事勢只能如此不可復  
加也臣等亦知

皇上所傳原有舊例乃區區愚衷正望

皇上減省于舊例之中乃愈見愛民之德意耳連日大小  
臣工以吉期未定盡責臣等不行力請爲不忠之大或面  
見或移書備極詆詆臣等以國家大事不敢置辭而目前  
廷臣催請疏中以爲奸人乘機構陷無所不有

皇上父子兄弟之間岌岌不安此等危言傳播天下孰不



驚疑臣等見之亦不勝駭懼非得王此疏何以解人心之惑而弭目前之釁乎臣聞諸臣已約于數日內伏闕跪請且必責臣與之同疏不得旨不已臣等深恐事體至此將成決裂卽使

皇上幸而聽之其傷亦已多矣正欲具揭上聞適覩王疏歡喜欲狂故敢以此附奏伏望

聖明將臣等所擬卽行裁發仍將欽天監所擇吉期卽賜點定其二萬庄田撫按官自極力設處王疏臣等亦傳示各官俾共知王之賢明相與頌讚于無窮也先是福邸以奏請田庄未足故之國之期稍遲已有

旨於明春舉行人心安帖及 上以

聖母聖壽稀齡在邇欲親率 太子及 諸王等恭祝大典慶賀禮成于次歲春三月內擇日之國既而上又以

聖母壽旦在于四十二年頒曆後今歲祿慶恐

聖母責其非禮而 聖躬又在調攝恐難成禮着于次歲春三月擇吉啓行于是內外驚疑文武百司至欲伏 闕叩請閣臣乃啓 上立刻傳示 母使

大聖人至孝至慈之心不白于天下。

上乃先以札諭 福王明春之國又諭內閣臣令傳示欽

天監擇日來看真是

聖明毫無成心從諫如園千古帝王未有如

皇上者也若福王自求減田土之數自請明春之國亦

可謂賢王矣但論非奏草

閣部諸臣上疏恭候

聖母萬安時

聖母違和

上日夜恭侍藥餌復虔禱

宮蒼願以身代孝誠感格果獲康愈羣臣胥慶奉候即報

方氏  
東叔可

二酋匿之脩怨仇殺時當事者計其密令其開行反間如  
酋所併灰扒尤刺諸仇意言文之六中國為援不能行  
而奴酋益望南關腹上翼寬併糾西曹宰變卜兒亥爪兒  
鬼二十四營盡甲馳清河間進告急徵薊兵五千赴援并  
禁糴及參貂珠寶而以兒哈赤已好語謝都御史張濬謂  
撫安等區耕牧日久請奉約新堡緊罷清撫情形上書樞  
北關近且開二寨其一東酋求婚北酋老女復行解猛上  
計北關堅拒不與會東酋脅上台古宋奔北酋即許婚老  
女卜酋遜謝為別婚東酋乃忿號謂是漢伊通婿其一金  
台夫有女為兄那女雜牧養嫁宰賽友日頃金酋故殺

那會妻卽宰賽之外。宰會乘隙挾求老女贖罪老女矢以死守宰會忿相攻北會怒奴會賄結請釋二憾無養癰東建也時金白二酋來告急別將甫文煥爲潛盟給以火器奴會計謀我兵北關乃可圖則益遣千骨里懇不背漢耕牧無敢淫于異日願賢子爲信并上書訟北關陞塔狀請以爲然遣官藉大成往申諭奴會遵諭以第七子巴卜海入撫順關願留質廣寧或京師譯巴卜海乃奴會親子妾真奇生親巴卜太弟也謹獲朝議進止其北關臣奴塔卜台吉勅發完聚當永紓邊患時請其修其功未幾奴酋度我弛備卽嚴兵圍燒金白十九寨我師援不時發

總督侍郎薛三才疏爭往還去策東南疆不救一之謂  
甚且謂并折入奴東方憂燕大已立發長壽軍于彼在此  
而奴酋固已易志矣其先中朝原以邊左孤危發帑金  
三十萬議于開原遼陽各募騎兵五千築堡已四缺餉太  
額總督薛三才請先募二千餘令原任總兵麻承恩率將  
曹文煥分統合四千爲一營屯開原諸軍待其變頃之御  
史翟鳳紳新入遼疏稱奴酋意不在婚與女特管首臣兩  
端爲止關罪似不必逢奴酋不注意之兩事強北關以必  
從以天朝作外夷撤合名汚而體稟前遣通官人奴慢語  
以部夷族充賞輕之已其長子洪巴免兒一語罷兵隨

奪其兵柄囚之獄度... 勢必不支今日宜急救以完開

先後報奴事官有

源滿令麻承恩以二千七百至藩陽而別遣他將以千人

中樞會

驍清河撫順直逼奴巢以壯聲援便報可奴酋又撤兵以

六之動

五百騎詣撫順迎負婚明無他意時北關為西虜掠擄

北之報

糧殆盡部落苦饑投奴甚眾即金酋從兄亦往奴又甘言

千為送皆

撫慰給牛種詭詐莫測我以火器手三百助守老寨并資

長之

以豆穀千石給獨六百北關始有司志

建

聖旨 諸司請定 福王之國水陸路程發遣護送諸應用  
事宜 點吉期已近都察院亦催備河南巡按以便料理  
福藩公幹

聖諭內閣覽卿等復懇懇見忠愛惻誠前

聖母自去冬因暴寒偶挨火交侵調攝安愈茲旬日以來  
聖體虛煩前恙復作朕俯漸減

聖躬軟弱朕心驚惕憂懼不勝痛切五內日夜祈懇

皇天俯從朕願已身應代默佑

慈躬增益壽齡蚤賜三泰永保天和是朕本欲覽卿等所



奏諸事朕知道了特諭欽此。

二月初九日

慈聖宣文明肅貞壽端獻恭熹皇太后午時崩逝。

聖諭合行喪儀該部從優查例開具來看。

聖諭諭內閣朕

聖母皇太后自去年十一月內違和以來朕齋虔竭誠祈禱在于

聖母前日每視藥侍膳。

聖母諭朕內外有罪輕的當赦的赦天下有災傷之處錢糧免的免些朕正在回奏待

聖體萬安發旨擬行間

慈母偶爾崩逝朕心哀切痛悼不已卿等擬放稿來看欽此

禮部請發

大行皇太后遺誥例于次日卽頒時已三日故特請十二日

皇上禮服具成百官恭詣

慈寧宮門外哭臨○羣臣上恭慰疏○內閣擬進

聖母遺命放稿疏云臣葉向高方從哲吳道南等據戶部侍郎李汝華刑部侍郎張問達工部尚書劉元霖開送各

欵隨與九卿諸臣再三酌議開列上請大較多昔年恩詔中已經施行且皆係赦罪恤災中事不敢他及惟刑部所開楚宗一欵須臾

聖裁臣等竊念諸宗當日訐奏楚王戕殺巡撫自犯不赦之罪卽重加懲創原不爲過惟是坐謀反則人以爲寃枉重辟六人已足正法其餘諸宗禁錮十年併其家屬皆被幽繫男女雜居天日不見號呼痛苦之聲日夜不絕見于撫院各官及守備中官之疏讀者皆爲傷心酸鼻所以中外諸臣連章苦請曾經禮部都察院看議奏俱留中未發今九卿諸臣又同心合辭謂其當赦臣等不得不爲開列

如蒙

聖慈憫念准與釋放將

聖母在天之靈見

祖宗列聖亦自歡然但事干宗室當斷自

宸衷非臣等所敢專擅者也又戶部所開河東兩潮進鹽  
長蘆過路落地生熟鹽等稅擬與豁免工部所開陝西織  
造羊絨蘇松織造綾紗自萬曆三十四年以前拖欠擬與  
豁免當此民窮財盡選餉匱乏之日欲蠲常賦則無以給  
軍不蠲則民困愈甚事屬兩難處置無策諸臣皆望

皇上將稅使停罷或大加減省臣等未敢遽言惟此數款

既賜允行亦可少濟一二但事干錢糧亦斷自宸衷非臣等所敢專擅者也臣等連日與百官哭臨人人皆咨嗟歎息謂

聖母之惻怛慈仁。

皇上之孝誠哀慕皆千古所未見至恭誦

聖母遺命無不潸然泣下傳之四海臣民悲思感戴又當如何今日等所擬赦稿亦就

聖母所命稍稍推行一二事恭請

聖裁伏望

聖明詳加省覽批發下以昭不置之恩而廣錫類之孝其

維恩廣惠  
諸大臣有  
奏

所助于

聖母冥福良不少矣

奏草

輔臣葉向高方從哲吳道南等上

聖母謚議曰伏以

聖善垂休百世衍敬承之緒

含弘濡澤羣生荷厚載之功禮重易名治隆報本欲贊揚  
乎大美當備舉乎徽稱斯

聖孝所以特隆亦羣心于焉共戴欽惟

大行慈聖宣文明肅貞壽端獻恭熹皇太后

遵涵太始

德合重坤。晏贊

先皇。肇撫豐亨之運。爰開

大駟。允符震索之祥。當太平朝。爲

天子母。方

冲齡而踐祚。深藉保綏。迫

必世以成仁。弘資啓佑。

德全履盛。無忘執蘭之勤。

養備稱尊。不較濯龍之警。軫艱難于兆姓。實繼時頌

流。湛澌于八荒。

慈雲徧覆。隆天厚地。蕩蕩乎其能名。

字字真確  
原美非淺

翼子貽孫繩繩乎爲可繼幸稀齡之已屆

長樂之遽遠人懷喪

妣之悲

帝切循陔之痛恭聆

遺誥愈動深哀

驚馭將升尚厪思乎罔典

彤宮欲闋猶加意于民窮言言闕

宗社之安危念念在開闢之疾苦蓋迭倚臣如猶遜其微

若近視高曹敢方斯烈悵

音容之日遠徵盛美之在茲臣等祇奉



時綸博綜舊典、咏歌嗟歎、四海雖極其尊親、擬議形容、寸衷終難于窺測、欲伸

不繼之孝、敢揚

大德之名、宜

天錫之曰。

孝定貞純、欽仁端肅、弼天祚聖皇太后、謹議奉

聖旨、依議、送翰林院擬撰冊文進覽。奏議

閣臣催請候補科道揭云、竊見諸臣待

命經年、拜官無日、勢窮理極、萬難再遲、該吏部具題、不止數十、臣等催請亦復再三、而

天聽愈高。杳無

俞旨。夫有人而不任之以職。則失人。有事而不付之于人。則又廢事。究使官聯日缺。言路日虛。灰諸臣圖報之心。失朝廷培養之意。

皇上亦何利于此也。且諸臣非

皇上所嘗拔之制科試之庶職。以需異日之用者乎。業已服官中外。敗歷多年。考選之時。該部覈其才品。稽其政績。必赫然有聲。粹然無議者。始得與臺諫之選。是

皇上于諸臣既用之有效。信之不疑矣。至于今日而復用抑之田頃之。致令蹉跎歲月。嗟白日之空拋。投守長安。歎

河清之難俟。是前之拔擢者何心。而今之棄置者又何心也。自爲培養。而又自爲摧折。明知爲適用之器。而又阻其向用之途。譬之得驥驥之足。而但羈之于槽枥。有操棟之具。而故委之于泥塗。不亦深可惜哉。方今大小臣工。用舍不同。顯晦各異。仕進者既得展布于朝廷。家食者尚需徵召于田野。而此數人者。以不用不舍之身。居不進不退之地。上既不能效職。下又無以資身。年復一年。日復一日。徘徊躑躅。悵鬱無聊。無論祖宗朝卽

皇上二十年前絕無此事。是雖諸臣所遇之窮。而臣等溺職之罪亦無所逃矣。伏乞

皇上釋

聖母親賢圖治之訓速允部推各補原職俾諸臣得穩任  
事之忠而國家因收得人之效豈非今日之盛事哉  
上

聖母尊諡已擇定日期 香間寫二十八日 詔書寫二  
十九日時

聖體下部濕毒傳示改期閣臣揚云不便乞仍于廿八日  
皇上于內殿扶掖行禮其

御門不妨傳免

聖諭諭內閣

聖母崩逝以來朕哀感

慈批思深痛裂五內悲悼之思不能自已因日夜懸仰刻  
無寧寐心神恍惚偶爾濕火流于下部見今敷藥未愈頭  
目眩暈肢體軟弱動履艱難尚在調攝所有

尊謚大典朕甚憂畏恐弗成禮卿可傳示禮部等衙門  
尊上

冊寶命司禮監等官併文武羣臣如儀奉迎朕在几筵前  
恭候力疾親行上進

尊上以盡孝思至情卿等仰體朕敬慎之意爾卿等知欽  
此

三月吏部具題

陵工在題乞照工部侍郎林如楚到部署印督理

守

聖諭諭內閣云覽卿等所擬赦詔內寬釋楚宗幽禁姑准所擬其蠲免陝西駁造羊絨袍服朕豈不憫念民情困苦但係緊急上供且數不多難以停免各省額進稅課准以每年所徵三分量減一分以彰

慈恩恤民德意其二分照舊徵收分解進用接濟急需待三殿工有次第即行停止起廢遺建言誦成等官已有旨分別叙用故諭欽此

音

福王之國百官送于郊外

四月閣臣葉向高方從哲吳道南等言

詔書內稅額已減停止有期不當再贖但各省稅額多不過六七萬而廣東獨至十八萬民間賠累多年委為困苦即地方向有商舶往來今已寥落前蒙

聖恩減去二萬今又減去三分之一然稅額尚有十萬餘不無偏重况黎夷作亂興師動衆騷擾難堪伏望

垂憐再減二三萬救此一方民命

奏記

初四日頒

聖母遺詔于天下臣民感泣

請存問申沈二原輔謂鯉精忠亮節未登首輔經綸懋績

大臣為民  
請命  
聖慈  
成  
聖慈千古  
不朽  
頌  
聖母遺詔

今年已八十四時行老成持重深得輔相之體又當時政  
辦急之後濟以寬和元氣漸復其調劑苦心蓋有人所不  
及知者今年八十例宜  
存問

五月命閣輔率中書官詣

南薰殿恭寫

聖母孝定貞純欽仁端肅弼天祚聖皇太后神主神位輔  
臣等歷稽 祖制凡 太后神主俱不川太字蓋因  
太后之號乃臣子尊奉之稱若神主神位則列于  
帝后之側于禮未宜乃遵舊例題稱隨具揭奏明奉



旨云其見詳慎

音綸

十五日潞王薨

祭地

祀地于方澤道關臣方從哲侍郎孫慎行行分獻禮

官請無執事

署吏部事兵部尚書王象乾言山陵大事舉行在邇一

切監禮護送執事等官需人甚衆見今部寺卿貳宰參數員恐分遣無人步送無人于典制有虧瞻觀不雅非皇上孝事慎禮之深意伏乞

盡點會推諸臣以補欠缺以襄大典真目前急務也

請不推

禮臣孫慎行題

發引擇吉已奉

明旨襄事之期約在一月之內中間尚有許多禮節許多

題詞必朝上夕

下方不後時乞

批發禮科署印之官庶抄發有人而大體不誤

聖諭諭內閣朕覽河南撫按官奏報朕弟潞王乃因思慕  
聖母仙逝成恙未愈偶爾痰火上壅于五月十五日辰時  
薨逝朕甚悼切傷感合行事宜卿等即着該部查優厚例  
出旨朕欲遣一內官往弔卿等可詳議來行特諭欽此

音綸

聖

懷言

聖母崩、皇太子妃逝、皇太子第四子薨、今潞王又繼之、變故相仍。

宸衷慘怛、伏乞勉抑哀情、以慰幽明之望。

六月閣臣葉向高等回奏云、前蒙

聖諭遣弔

潞王、臣等情之往例、凡親王妃薨、率遣內官

弔祭、給與勅書、若親王則無內官致祭之例、今

皇上有此特典、容臣等擬勅一道、令賞之以往、此亦禮

之可以義起者、又查得凡親王妃逝、其子幼弱、不能任事

者、卽勅王妃管理府事、但舊例必待本地方官題請、

皇上念手足至情、卽破格優恤、勅令王妃管理本府

家事免其奏請是又

皇上超出尋常之德意也奉

聖旨覽卿等所奏甚悉朕意朕弟潞王薨逝特遣內官  
弔着給與勅書其祭儀及管理府事着該部照例詳議其  
奏來行

兵部防守

閣臣葉向高請申飭防守摺云恭遇

聖母皇太后梓宮發引內外大小官員及旗校軍匠人等

幾于塞國而行內地空虛不無可慮伏乞 嚴諭兵部行

令該管衙門申明禁令巡緝奸宄以保無虞

奏議

聖諭內閣朕自足疾遇刺望并各節皆朝謁

聖母

聖母見朕足痛。步履不便。

聖母慈恩。傳准着人攙扶行禮。今恭遇

聖母梓宮發引。所行禮儀。朕當親行。以盡孝誠。足疾尚未

痊可。恐弗成禮。捧請 神帛謁 祖。着遣奠官恭代。朕遵

奉

慈命。用人扶掖。舉送

聖靈。卿等傳示候拱宸。潔虔敬慎。奉行。今諭卿等知。欽此。

音論

心腹題主

十五日。閣臣葉向高奉 命詣

山陵行題

主禮巳時掩

玄宮後恭題

神主訖是日天氣清明風物和美恍事各官百凡步飭禮畢奉

神還京

上至午門跪接

○題○日○刊○于○文

閣臣葉向高感觸

聖孝乞休疏爲第四十五上云臣觀

皇上之事

聖母尊養備隆志物兼盡合四海九州以奉長樂之歡者

皇朝律例錄

卷四十一

四十餘年。可謂千古之僅見矣。而且當違和之時。虔請代  
之。當升遐之日。動辨踊之哀鴻。名顯號極。典上儀。凡可  
以自效于

聖母者。更無一毫之不盡。至于靈駕啓行。攀號掘送。

山陵襄事。延佇焦勞。天地鬼神皆爲感動于斯時也。凡戴  
顏面而爲人子者。孰不自與其罔極之恩。而苟有人焉。親  
恩莫報。墳墓久荒。乃恬然立于聖明之朝。不思引退。豈  
非天下萬世之罪人哉。請卽以臣言之。臣海上孤生。家世  
貧賤。其生也爲嘉靖己未之年。適當倭亂。室廬焚燬。人民  
逃竄。臣母懷臣彌月。爲倭所迫。徒步奔馳。產臣于曠野旁。

弘治中如  
史成烈乞  
撫疏陳之  
泣下今復  
見此

無一人自斷其臍復抱之而走野棲露宿飢餓不支更數  
日臣父始覓得之相與扶携逃生屢窮于倭幾死而免者  
數四如此五六年倭難始息又值荒年殍死無數臣父母  
減衣損食課臣讀書臣備員詞林父母相繼淪沒未嘗受  
臣一日之養草率營葬不能成禮自除服補官二十餘年  
南北仕宦不得一登先人之丘壠荒塋頽廢洪水漂流每  
一念及痛心刺骨人皆有父母臣之父母劬勞獨甚人皆  
有子臣之爲子不孝亦獨甚

皇上大孝錫類及于普天奈何獨使臣向隅而無訴乎臣  
自入綸扉再承 龍命每欲躬奉 聖書匍匐墓次一告



先人之靈而後葺治封樹。小構基廬。長依先人魂魄。以沒世底。幾少償時昔之愆。卽溘然而死。亦無所憾。此臣之所泣血哀鳴。屢資君父而不能自己者也。如

皇上堅不放臣。使臣困死長安。永爲不忠不孝之鬼。將何顏面見臣父母于地下乎。

給犀奏草

山陵奠獻禮成。駙馬都尉侯拱宸復命。

閣臣葉向高上乞休第六十二疏得請。上表謝恩。并效餘忠云。一東宮講學。一瑞王婚期。一補大僚。一起廢。一點科道。一邊餉。一罷稅。

與安撫于師希當事請姑留老女蔡兩府心欲許自  
喜分發兵以開康爲名不知所向意謂不實雖以糧食  
糧幾五六萬志不在小議者率爲寒心而都御史高幹謂  
風聞多妄濟之言曰北關開原本覲東夷參留東珠之利  
誘諸酋成騎虎勢奴酋當殲遼人之爲所用我師未出  
彼防已預此未可虛聲嚇我奈何以振旅之兵極置之餉  
爲北關守老女遁婦且北酋爲我守二萬餘里之遼東太  
爲我守九百餘里之遼東我必失之遼遼鳴九百餘里之  
邊患足爲無策御史董定策謂清議中選官藉大成之魔  
以質子爲奴听輕聊以解嘲廷議多右崇教者已而奴兒

哈赤復整前罷耕地開原參議薛國用力主驅逐會巡撫  
都御史郭光復新蒞在薊門援兵及問金主者道相望奴  
聞實恐都御史廉知通夷僇養性貫其重罪令佯入奴反  
間遣衛標蕭伯芝申以文告五月隨統標兵赴遼陽巡閱  
示虛聲奴兒哈赤遂遵諭退地定界始猛骨字羅漢南關  
邊外四堡曰三岔曰撫安曰柴河曰靖安及奴兒哈赤爭  
聖執三岔撫安爲舊種止結退柴河靖安于秋獲至是參  
議薛國用簡香南關界土王台存且自威遠至三岔堡後  
猛骨時三岔入于奴以撫安堡爲界及猛骨故竝歸建州  
奴結已屬含糊且察兩關地素饒沃而建州高下不等若

汾陽 汾陽縣志 卷之四 藝文志 汾陽縣志 卷之四 藝文志  
任公大雖強而糧不繼勢不得不下天給清燕之饌我公清  
無帝奴之命而開原亦可安枕今日短景詩無板橋詩局  
因取錫嶺遊學梁汝貴等查勘將前日錄及白家營松  
二堡共立碑六白家松于二堡西邊向係高山夫擊校也  
都御史執曰白家營在東邊并無後非奉 旨驅逐地且  
私立無以服夷行暫撤國用抗義無安妥害與民端嶺斷  
不宜失會御史望鳳神巡清河語云使黑軍結陣結紫  
河秋獲遠將六堡俱退大書番字碑陰寫明年冬不復  
種七月部夷蓋燬陽馬奴兒哈亦即毀碑下示恭敬是歲

貢夷寇至十六人蓋奴酋多慾好名類此都御史疏報退  
地請將撫順前禦改遊擊與清河遊擊分統兵各千人奴  
酋一攻北關卽會遼陽出撫鎮北堡距北關六十里以清  
河備禦移駐原委廢將羅拱傑撤回以馬貯前堡生木堡  
練習火器御史程鳳紳亦疏稱奴所最資清撫之市血所  
最畏清撫兩處之撫禦部覆從其言

乙卯 五月二十三年

五月初四日、藝有男子闖入東宮、以抵牾什守門內侍二人、韓本用等呼集執之。

皇太子親奏送部鞠審、是犯姓張名差、宿有風癰疾者、廿八日亭午。

聖駕幸慈寧宮、不傳兩箒、不設通贊、令中貴四出急傳百官、以次進、令內侍引至。

聖母靈次、一拜三叩頭時。

聖上西向禮畢。

上卽倚左門柱、設低坐身、俯白石欄、擁百官伏。

御前叩頭畢

上連呼曰上前來上前來各官稍膝而前去

御前不數武耳

上練冠練袍

聖容晬穆御音清亮朗如洪鐘知爲萬壽無疆慶也

皇太子冠翼善玄冠素袍侍

御座右龍表鳳姿清標玉璫震器之祥奕葉輝映三

皇孫鴈行立左階下岐嶠日角不啻玉樹亭亭臨風容虛

周家繼述之美聚千庭堦几席之間猗歟盛哉群臣跪仰

聖上卽宣諭曰朕自

聖母升遐。今春以來。足膝無力。然遇節次。則

必

到慈寧宮

聖母座前行禮。不敢懈怠。昨夏有風癩。張差突入東宮。傷人。此是異事。與朕何與。外庭有許多閒說。你每雖無父子。乃欲離間我父子耶。適見刑部中趙會。臆問的招情。止將本內有名人犯。張差。羅保。劉成。即時凌遲處死。其餘不許波及無辜一人。以傷天和。以驚

聖母神位。且自正月至今。半年不雨。豈可又妄殺召祭。請

執

東宮手示群臣曰。此兒極孝。我極愛惜他。時御史劉光復



伏于聚中。忠愛激切。喜極揚言曰。

陛下極慈愛。太子極仁孝。因班稍後。聲高而

聖上聞之。不甚悉。誤以爲別有所爭執。屢

目攝之。且顧左右近侍曰。彼所言謂何。道長仍以前說對。聖怒微于色。

龍顏勃眦。數而責之。連呼緩騎何在者三。無有應者。

令中涓擊下。彼承旨者見。

上震怒。群族之。甚有挺杖交下者。

聖上意戒無亂殿。但押令朝房待。肯怒稍爽。又以手約

皇太子。禮曰。彼從六人。孤養至今。成丈夫矣。我有別意。何

不于此時更置至今長成又何疑耶其弟福王且已之  
國卽有他舉亦須你文武百官草詔差官去取來彼能掉  
翅飛至乎膝下左列三孫現在復呼三孫至  
御前舉示衆曰俱會見否閣臣因請

東宮出講復

應稍待禪後昨瑞王婚進原無別意不過以

聖母之服不便且

聖母臨終囑我冊立

皇孫我說少俟之衆官欣應時刑部臣張問達以法司臣  
王士昌見署大理寺篆亦跪在後復至前誦本內五犯名

案

上云止照本內名教。不許亂扯。又問近侍曰。彼爲何官。傍以法司名字對。又顧問。

皇太子。你有何話。一同說來。

太子云。似此風癩之人。決了便罷。不許株連。又曰。我父子何等親愛。外庭有許多議論。爾輩爲不忠之臣。我爲不孝之子。深爲可恨。

皇上又遣東宮語。又連聲重申之。群臣踴躍。未起。

上屢顧問者口。但有續到官員。一箇放一箇進。不許棚阻。以故零星突至。跽拜錯亂。

聖上不之較也。時後來聽班者稍居後與

帝坐不相對。

聖上又持

皇太子面稍從後問曰：你們都見了未？眾俯伏謝。

聖上徐謂內侍曰：好送他們出去。

嗚呼。

上久以堯舜之聖統寰宇垂五十年。詒如安湖業已駕古  
軼今矣。今茲

皇天眷行二百餘年。希有之事。舉三十餘年曠缺之典。開  
誠如縻不啻家人父子然。群臣等因思乎

召見候聞

天語惟內閣輔臣始與其盛常朝臨御偶睹

聖容然嚴陞嚴隔懼愆于儀未有咫尺

天顏盛耳聾咳移時歷暑盡去苛禮且

聖子神孫聚于一堂如今日之都俞盛美者也臣等草

茅賤士真可謂不世遭逢矣臣聞達士昌以職守所關懼

上有顧聞故班稍越而前且聚精傾聽聞之極真然

皇言如綸何取文飾故不敢增減一字直述便擬以俟修

起居注者採擇爲熙朝盛舉萬世美談云

臣張問達王士昌同紀

非關禽白羊骨竟以老女許婚後免子蟬谷兒大五執建

夷六人開原遺諭不聽七月遂成婚奴兒哈亦發兵三千屯南關氛甚惡御史王雅量疏稱向救止關恐藩籬一撤奴酋與煖兔合而遼不支今奴煖爭婚勢不難合而非關係強援于煖兔適爲中國利請設防遼陽以東按甲不動以觀奴酋進止奴或不聽宣諭我督上關陰約煖兔從南關入大兵從清撫順分道而東以東山之民張牙露爪思甘心奴利其剽參順呼響應土白角之朝鮮我兵特之如亡可翹足待已而奴兒哈亦能構北關獲全唐書威繼光鎮薊所駐三屯置庫隘稍拓之并及文武廟并宮道院南山有泉霞景忠諸壇望之縹緲若在雲端有

香錢簿取佐軍資公不入一錢皆以飭材具有東湖因  
濠爲險導以資灌溉護以柳堤有魚蝦菱芰之利荷亭  
采簍可供游賞思者畫語上曰塞西河章下撫按會勘  
上言諸所征繕士不告勞爲太平雅觀卽貢夷亦徘徊  
噴噴可以示遠事乃得釋嗟乎爲大帥者修邊成功暇  
逸不得動一木一土至形論列亦太苛矣咸未幾亦調  
廣西坐黨張江陵無有錄其功者後凡二十餘年至乙  
卯乃得卹典天啓元年遼事大敗葉少師題請賜諡以  
勵邊將得諡出小

丙辰

萬曆三十四年

正月大雪無錫有紅黃黑三色城中九星大小人家俱有  
巨人跡

二月清明後六日杭州等處下雪珠潑人蓬窓甚巨錫首  
頃刻可拘品出小

會試主考官禮部尚書東閣學士吳道南禮部尚書掌詹  
事府劉楚先取中三百五十名

放榜後第一名第六名以弊發除名先是乙卯年南場  
中有魚見于園魚水族水至繁而污穢至此又見于場  
中此文明失位之象二人俱吳江人吳爲水國遂應其



北故吳人爲之謠曰丙辰會錄斷云絕六第六名最有

才名士林嗟之

出外

三月廷試賜進士錢士升賀逢聖林鈺等及第出身有差  
五月東湧偵倭福建巡撫黃承玄遣義民董伯起同李進  
葉貴傳盛等出海探倭十六館頭開洋經竿塘橫山十八  
至東湧一路兵船躲各灣皆不見遂上東湧山四望止倭  
船一泊山後南風灣一泊布袋灣二灣相連遂檣俱卸但  
掠定海白勝船藏南磴隱處伯起卽將海道係票埋藏山  
上并拘天妃廟判官手爲証忽見南倭船張帆來眾欲走  
李進曰勿走走則銳打立盡頃刻倭至通事同倭過船搜

快亦敏

若怕死決  
不降矣

檢問何船來以討海船對通事問有兵船否應云無有通  
事曰伯起等曰汝但說有他以五十金僱我來我欲去他  
不肯說有兵船他方去也汝但開口我爲汝說又令取水  
彼首軍忽過船細視伯起相其手又視葉貴三人偏相之  
卽搖首汝不是討海的老實說不則殺汝以刀臨脛者數  
次伯起知不免乃大聲曰我等實是軍門海道差來的聞  
汝造船三百我這裏已備戰艦五百汝來則戰汝若是好  
船久泊此處何爲今日殺不殺也經汝殺我兵船卽至矣  
于是群倭齊拍手喃喃且吐舌通事曰他項砂磯國王差  
往雞籠風旣不便歸恐得罪欲將你首軍一人去回報免

如大風  
然不疑

清  
名  
其  
其

罪。然。不。事。後。即。問。誰。是。首。犯。事。實。起。事。變。者。國。本。害  
之。稱。遂。呼。伯。起。過。船。伯。起。奮。躍。避。曰。我。今。拚。命。報。國。美  
即。索。綱。巾。于。倭。得。之。又。索。衣。首。軍。以。番。衣。予。之。不。受。從。葉  
貴。等。僧。衫。過。與。倭。首。軍。陪。伯。起。食。飯。遂。帶。所。掠。船。併。差。船  
送。出。台。山。（此の台、是の上の横山人）伯。起。請。放。各。船。歸。倭。船。大。可。丈。八。內。有。馬。四。匹  
銅。鐵。滿。船。皮。箱。甚。多。叫。我。人。去。看。說。汝。國。人。往。我。處。每。年  
有。三。四。十。船。我。俱。禮。待。你。中。國。人。見。我。們。來。便。要。殺。說。彼  
國。便。坦。易。說。中。國。即。綱。着。倭。亦。能。寫。字。以。筆。與。伯。起。寫。伯  
起。不。寫。倭。即。寫。日。本。人。無。情。伯。起。取。其。筆。寫。日。本。人。有。情。  
倭。又。抹。却。有。字。仍。寫。無。字。倭。與。吾。人。亦。無。異。但。喜。弄。刀。或

以統所以  
若

以手作銃。眇視而聲之。無刻不然。明年伯起以計給之。送歸。按以爲海口。裨將給

伯起。一義民也。以身救衆。以智全生。于患難存亡之際。固了然有以自命者。使用酌其志。又何變之不可定。陰之不可出耶。

六月。清河兵私出松山採木。爲奴酋部落殺掠。御史王雅量叅游擊馮有功。戴罪以需後効。即報

蝗。

丹陽有蝗。從西北來。蔽天翳日。民爭割羊豕禱神。有蒲大王者。尤號靈異。凡禱之家。止嚼竹樹芟蘆。不及五穀。

可爲失信  
言之

晉書

卷四十一

三十四

有一朱姓者，性醜，悉具見蝗已，遽遂寢，寢與蝗復逐，集  
朱田，凡七畝盡，而去鄰苗不損一穎，柏傳有怪書，按  
其神曰：借道不借糧，亦可異也。出小

丁巳 萬曆四十五年

正月、禮部遵五年議、謚例、疏請應得謚諸臣、雍泰、畢鏞、趙參魯、王之誥、張佳胤、余懋學、馬理、曹端、李夢陽、賀欽、朱冠、譚大初、段民、魏學曾、朱鴻謨、魏時亮、龐尚鵬、陳茂烈、姜洪、黃鞏、汪宗初、林綵、楊起元、汪治、楊慎、裴應章、李中、盛納、曹朝節、黃鳳、姜廷願、何源、陶望齡、劉一儒、傅新德、沈節甫、周怡、梅景、王宗沐、張允濟、李棠、董堯封、馮應京、教文禎、共四十四人、具請候旨、勅下翰林院撰擬謚號、

太常寺卿林學曾等公疏、請釋累臣劉光復、

兵科給事趙興邦奏論陝西虜事、疏曰、看得套虜乞款、

臣計之。仍議補前經革去七年市賞。約以新舊五軍。一歲兩開。七年補完。竊惟一年兩市。金帛之費。以八萬計。七年之間。所費幾六十萬。取此六十萬金錢。每年以二十萬爲芻餉之費。則士飽馬肥。卽以長驅虜庭可也。何至恣犬羊之求。填谿壑之欲。示我以弱至此乎。

貴州苗仲、肆虐黔中。生靈塗炭極矣。撫臣張鶴鳴集兵分道勦之。初攻蒙冒。蒙兵賊巢。副總兵陳寅自填陽。由羅勇進。都司李士林由改窩進。旗鼓官劉范和督安兵。由擺壩進。指揮黃運清等由定番進。千戶李現督蒙兵由翁貴進。魏安知縣袁大化督伍司等兵由鼠場關進。分擊普固蒙。

兵花鴨孔擺華蒙等寨斬賊一百二十六級。續攻宗角生烈翁忙者貢賊巢陳寅兵由天台進李上林黃運清及伍司兵由焦山進。或徇大雷。或徇垵下。或徇陽城岡。或徇者貢。分擊固箐婆把大山谷精谷隆交馬打狼羊容銅箐等寨。斬賊一百六十六級。前後俘獲夷屬牛馬甚衆。其餘險勁賊寨如大箐岡俱未克。麓山木灰大華麻喇四司程普等十二司尚多賊巢未及掃蕩。爲力尤難。巡按楊鶴上疏曰。臣奉命入黔。急勘進剿夷賊情形。大約賊衆我寡。東征西竄。未易收拾。今賊種浩繁。與軍民錯壤而居。加以叢山深箐。鳥道羊腸。綿亘數百里。賊守險甚易。我仰攻甚難。召



募新兵皆四方壯健人而使之戰一難也。漢兵不足勢不得不用土兵兵素無紀律不聽節制甚者委而去之二難也。提兵滿萬無一

壇三難也。重賞之下必有

勇夫提衿見肘不

一錢四難也。我合則賊分我分

則賊又合終不能張羅天之網設四面之羅五難也。今日之事勦之不能盡勦勢必用撫撫之未可遽撫必困守以俟其敵而后撫可堅也。總之患于無餉有餉則飽待饑逸待勞其權在我勦可也撫可也無餉則彼飽我饑彼逸我勞其權在彼勦之不能勦也撫亦不成其爲撫也。黔中自平播之後用兵仲賊者凡三萬曆三十三年有老王山波

羅清水等大小平伐之役、三十六年、有定番翁忙者貢之  
役、四十一年、有新添平伐之役、數年之間、叛逆再四、今豈  
復容如往日者、草草結局已耶、然臣反覆籌之、日下成功  
固難、將來善後尤難、臣之愚計、伏乞 聖鑒、發帑金四萬、以  
二萬爲固守之需、以二萬爲善後之用、增兵增餉、不爲無  
米之炊、此萬全制勝之長策也。奏記

二月禮部請

皇太子講學

皇長孫出閣就傅

三月初八日吏部奉 詔考察京官計典、例于正月舉行。  
遲至此亦變局也。

直隸巡按毛堪疏請近畿蝗旱甚慘懇 恩免稅以修實

燕以召天和。

禮部題請錄 福王第一子由崧賜封德昌王印信。  
五月 冊封各藩。

六月、皇親鄭養性乞襲父職得左都督侯駙馬子昌國比  
例乞 恩得都指揮使兵部署印侍郎崔景榮奏戚皖恩  
施不宜太濫乞遵 祖制收回 成命昭大公全 國體  
應天等處大璽巡撫王應麟奏請勘賑。

正陽門箭樓成。

七月初六日京師怪風○山西大旱山東旱暵  
大學士吳道南丁憂回籍。

大學士方從哲疏爲閣務煩重，并難獨任，請簡新輔以隆政本。

八月，顏子六十代孫五經博士顏伯康等慶賀。

聖壽至京。

聖諭兵部：近來虜情變動，備禦宜周。秋防事宜，便行與督撫等官嚴督將吏，着實用心料理，務保萬全，有功優敘，失事的從重叅處。

宣府天鳴地震。

已上俱  
邸報

浙江嘉興秀水二縣里老沈科章疏爲田賦原平，奸民釀亂奉。

聖旨該部院知道戶科抄奉云看得嘉秀里老不遠數千里昧死陳言蓋爲三縣田糧影射不明者三十餘年嘉善之民鼓噪公庭故嘉秀之民因而叩關辨訴耳夫田糧卽有惟有收而隔縣無過割之法在嘉善之積蓄有無增割冊籍在嘉秀之豪僧有無濫美通同不可不窮詰弊情各置之法大約田在嘉善者似宜糧歸嘉善田在嘉秀者似宜糧歸嘉秀若云兩地有田相抵竊恐田在嘉秀之三千餘畝視田在嘉善之三萬三千餘畝其數多寡不敵甚明也若云三縣始合而後分冊籍相仍經界難正大合之日經界自混而爲一。分之後經界宜晰而爲兩縱令差錯于

初分正應釐革。于今日豈可因仍舊籍之混淆而不剖晰。疆界之分明乎。爲子民者宜靜聽處分。若擁衆譁然。咷咷迫挾。則當急懲也。後抄

九月湖廣承天等處夏旱秋水。蝗蝻蔽天。三災疊至。萬姓倒懸。各官請賑以重。邸業。

詔停刑。

山東星隕天鳴地裂龍關。

江西大水。

直隸巡視屯田御史奏報屯田災異。游加懇乞軫恤。改折以撫窮軍。

十月 命興渭准封代藩世子。先是興渭生于隆慶五年。興沙生于萬曆十三年。雖俱庶出。而長幼之序。判然矣。因代王溺愛興沙。謀黜興渭。担辭以請。時部寺通政司宗人府各疏斥其謬。經年不結。至是始奉 旨定奪。

十一月二十日 皇太子第三子薨。

潞簡王妃李氏懇請 天恩特准襲封。以重孤藩。時世子年已九歲。賜名常坊。疏極哀切。

虜犯喜峯等處。巡按薛貞劾參將郭珍選。李家峪守備魏允高降罰有差。

隆德殿災。

纂修玉牒成。加効勞諸臣。候拱宸等。

漳州大水。

延禧宮災。

已上俱  
部報

十二月。大學士方從哲疏曰。竊見數月以來。朝廷之上。政事日壅。章奏日積。外廷之仰望益切。而批發益遲。諸臣之陳奏徒煩。而允行無日。臣內循職業。外惕人言。憂心如焚。莫知所以爲計。因念我

皇上英明天縱。太阿獨持。事無大小。無一不出親裁。無一不由宸斷。臣等誠不勝欽服。惟是事體重大者。

皇上旣以爲重。而慎之。其無甚緊要者。又以爲輕。而忽之。



臣等懇祈迫切者

皇上既因其急而欲緩之其稍可從容者又因其緩而欲置之卒之重者不行輕者亦不得行急之無用緩之益無所用徒見臣等日日祈請日日煩瀆而于天下國家事費有分毫之濟否乎夫總攬美名也獨斷盛節也臣等豈不爲

皇上願之但使吏部惟一官而

皇上卽賜點用其誰不感

皇上之恩諸司奏一事而

皇上卽賜允行其誰不服

皇上之斷如是則威福惟辟權不下移主勢自尊人心自服臣下方且自幸其職之得舉言之得行方將順奉承之不暇何樂有言惟

皇上不肯卽用不肯卽行而後諸司不得不循職以催臣等亦不得不補牘以請至于催之多而請之煩也

皇上又且以爲此煩聒也此激擾也甚且以爲市恩沽名也于是持之愈堅拒之愈力諸事悉從寢閣諸疏一概留中夫其所催請者諸臣之事乎抑朝廷之事乎催之而不報請之而不從其所誤者諸臣之事乎抑朝廷之事乎始以因循之意賸明作之功繼以疑二之心滋叢挂之

陳設殿  
門外  
清涼  
寺  
主

異火

與相持不已。奉行無期。畢竟朝政何時疏通。人心何時  
快。而臣等尸位之罪。何時可以少解也。臣等經年累月。請  
點大僚。請補科道。請起廢臣。近日又請用都御史。請用兵  
科。河南道。請點巡按各差。連篇累牘。臣等亦自厭其煩瑣  
矣。而一言不效。一事未行。滿職曠官。慙愧欲死。今亦不敢  
一一條陳以瀆天聽。特舉用人行政本原受病之處。請  
皇上深思而熟計之。倘蒙特賜省覽。不勝幸甚。

礦賊高二集眾千人流劫靈寶縣獄庫石知縣却之已追  
獲伏法。邱璜

是年春。濟南臨邑縣紀家窪有異火。每夜分即出。其大

如斗、色紅黃、明亮、燒煙直上、約高二三丈、恍惚望之、隱  
隱似有動躍狀、尋復墜下、散漫無踪、遇一二人夜行、先  
逐人而來、其疾如箭、近一二丈即止、尋復散去、先是乙  
卯歲、出于選城儒生張玄地內、未幾赤地千里、兆庶流  
離、安丘劫庫劫獄、秦、宋、齊、東殺兵殺官、以彼驗此、良可  
畏也。雜編

江南鼠異、自五月下旬起、千萬成群、啣尾渡江而南、穴  
處食苗、旱蝗未已、又增一害、民困斯極矣。

戊午

萬曆四十六年

四月奴兒哈赤徃令部屯是撫順市潛以勁兵蹙襲十五日凌晨突執遊擊李天芳城遂陷因以漢字傳檄清河將併北關巡撫都御史李維翰總兵張承胤移師應援二十一日奴兒哈赤暫退詎意師前以萬騎環繞夾攻承胤及副總兵頗廷相遊擊梁汝貴死之全軍覆沒而宰煖各營方集遼河西岸虎壑傳調唎喝紗花亦屯鎮靜邊外虜東西幾動會正陽門外河水三里餘赤如潰血京師震恐

上特起廢將李如栢總遼鎮兵及徵廢將杜松屯山海關

皇明從信錄

卷四十一

申年

劉綎柴國柱等赴京調度時楊鎬以遼舊撫推兵部侍郎  
命以新銜往經略 詔總督薊遼侍郎汪可受先出關順  
天撫臣移鎮山海保定撫臣移鎮易州以便控禦皆創例  
也遼報不至凡三書夜開原以西虜窺瀋懿請救廷議怒  
發帑金奏餉百萬大興問罪之師

馮語

上諭內帑無措止括十萬金佐軍興頃之諜稱奴兒哈赤

名是計

退舍三十里虜二萬餘人瀋陽

詔斬奴酋首予千金世

職總督汪可受疏稱遼虜更番疲我征調未集請練土著  
人自爲守遼產諸生暫停試各倡義旅有功得破格賜科  
名并疏通登萊海運濟餉羣 虜倣薊保撫臣罷移鎮本

兵引征倭征播例計六十萬而餉三百萬而帑金竟不時發

閏四月奴兒哈亦歸漢人張濡紳等賞夷文請和自耕建  
烟國汗備述惱恨七宗六畧以護北關嫁老女及三岔柴  
河退堡爲辭實藉濡紳等以行開謀最秘會廣寧只婦生  
一孩二角四齒開原殷家庄堡旄杆起大郎史李徽儀謂  
遼必以剿之規模爲守以空之餘力爲剿乃爲完算請速  
治遼撫臣李維

五月十九日奴

略楊鎬兼程受

皇朝從信錄

卷四十

安三岔白家冲三堡經  
山海關得魁堡報疏請

四四

就近徵調

上罷維翰令竊兼攝巡撫增設標營遊擊本兵請發餉二十萬解赴各鎮催調宣大山西三鎮以四萬金徵兵萬人延寧井固四鎮以八萬金徵兵六千

上可其奏 諭總兵杜松劉綎等星馳出關并摘調薊鎮臺兵給同金六萬兩市戰馬以候 命御史陳王庭代楊一桂按遼○巡撫李維翰失城喪師得革職爲民○偵報奴酋八子每登山密謀兵至知風雨建州馬夏月喜啖河旁柳葉兼與宰緩心衆近十萬北關揣揣不免朝鮮已詣恭晉且督匠造船而龍江李 方亦降奴締奴 命借太



工馬價各五千萬（此下）河遠（此下）之西虜乃蠻以花等進褐  
長剪堡

七月 賜武事總兵張承胤誼加祭三壇于立祠名旌忠  
時奴兒哈赤從鴉鵲關入二十二日晨圍清河參將鄒儲  
賢拒守援遼遊擊張旂訖不從賊冒板控牆自寅至未  
墮東北角因積屍上城旂戰死儲賢達見叛人李永芳招  
脅大罵赴敵亦成之而城中擁兵六千四百餘唯束手待  
斃爲賊殺掠萬計自三岔至孤山竝遭焚燬唯叅將賀世  
賢於豐陽遠外縱擊得級百五十四

上特賜經略楊篇劍一并 諭薦諸邊經略開徹單駙赴

河東駿陽寬奠衆望風遁乃斬千總陳大道等以徇議徙  
寬奠子女于遼陽會朝鮮遣議政府右叅贊姜弘立等統  
萬兵請勅從征并乞附黃許之加李光榮總兵銜移廣寧

縣

八月京省主試官順天庶子趙師聖諭德薛三省應天諭  
德鄭以偉贊善來宗道浙江編修林欲楫吏科給事中張  
廷登江西編修成基命工科給事中范濟世福建檢討丁  
紹軾吏科給事中張孔教湖廣編修馬之騏刑科給事中  
陳伯友河南尚寶司卿熊尚文禮部員外朱綵山東戶科  
給事中李奇珍戶部主事吳而與山西吏部主事唐文煥

兵部員外陳騰鳳、陝西吏部主事楊一鵬、行人司副劉時  
俊、四川禮部主事陸完學、評事齊琦名、廣東刑部主事熊  
秉鑑、工部主事陳應元、廣西兵部署郎中事譚昌言、中書  
朱正蒙、雲南戶部主事洪啓初、工部主事陳如京、貴州刑  
部員外方尚恂、行人陳玄藻、特應天、浙江、江西、湖廣、河南、  
陝西主考七月二十八日 命下、依皆逾期試初場各省  
解元順天王家基、應天盛文琳、浙江陳山毓、江西張斌、福  
建戴國華、湖廣陳君寵、河南唐時明、山東邢泰吉、山西胡  
舜封、陝西李尚霖、四川詹胤昌、廣東朱祚昌、廣西蔣佳胤  
雲南施堯中、貴州周成德、音倫○增設遼東巡撫、以太常寺

少卿周永春往○又設援遼餉司

報

九月總兵麻承恩詔獄以觀望失援清河也奴兒哈赤復從撫順入總兵李如柏以朔三日馳瀋陽遇賊數千騎拒却之斬級七十六乃蠻尋受款虜漸解散二十五日奴兒哈赤從撫順入會安堡殺掠千餘時東方有白氣長竟天其占爲彗及蚩尤旗象三兵而星隕地震報相踵

十二月北關夷酋金台失以男得兒革台州勦奴酋一寨  
賜白金二千兩綵段二十表裏時御史陳王廷按  
開原知金台失所最驢夷婦爲指揮王世忠姑密遣入北  
關說以虎墩兔敬  
久勦夷受賞貲以千金金酋利

之遂有是捷

是月海州遙見白虹貫日如日並出者三白氣直貫城上

建州夷考

已未

萬曆四十七年

正月後遼師徵訓雲集

上以經略奏報久稽恐師老新漬 諭兵部馳議方略仍酌賞格頒示大學士方從哲亦移書促師

二月經略楊鎬既決策乃以十一日誓師遼陽凡分四路馬將軍林率遊擊麻岩丁碧等從靖安堡出邊超開鐵及都司竇永澄督北關之衆攻其北杜將軍松率都司劉遇節等從撫順關出邊超瀋陽攻其西李將軍如栢率參將賀世賢李懷忠等從鴨綠關出邊超清河攻其南劉將軍縱率都司祖天定等從賚馬佃出邊超寬莫及都司喬一

琦督朝鮮之衆攻其東計勝兵可十萬而瀋陽路最衝以  
保定總兵王宣原任總兵趙夢麟竝隸戍下更令原任總  
兵官秉忠駐遼陽總兵李光榮駐廣寧警已曷撫順陣逃  
指揮白雲龍殉衆期二十一日先後出師

上特簡山東巡撫李長庚以戶部侍郎督遼餉會十八日  
夜司天占火星逆行二十日京師風霾晝晦黃塵四塞有  
頃赤光射人如血西長安坊棧爲折其占四夷來侵

上傳諭慰厲東征將士兼飭諸邊備然無奈主帥不一師  
期先泄使逆酋得預爲地矣建州

捐會試榜福建永介莊際昌第一主試則吏部又繼此禮

侍韓嶺

三月廷試，賜進士莊際昌、孔貞運、陳子壯等及第。出身有差，三鼎甲莊以會元又爲名魁子。孔兄弟俱入木天，陳爲解元。熙昌子年十八，稱最盛事。是時以少年登第者共十六人：蘄州王珙、蒲田黃鳴俊、韓城劉永祚、晉江黃廷師、富順范鏞、候官邵捷春、安福王振奇、孝感楊金通、龍溪顏繼祖、華亭董象恒、晉江曾化龍、南海陳子壯、息縣陳韜、晉江劉鱗長、新興雷躍龍、武昌彭祖壽、彭丰儀、俊朗、飄飄乎如玉樹臨風。京師人稱癸丑馮琢州，此則彭可爲雙絕。

考選庶吉士二十三人：倪啓祚、丁進、施兆昂、姚明恭、侯格。



張琳、吳士元、楊夢霖、曾時昇、楊世芳、顧錫嘯、劉宇亮、金  
乾、朱繼祚、何吾騶、姚希孟、許可徵、姜曰廣、楊維新、陳萬言、  
丁乾學、雷躍龍、胡尚英、吏部侍郎史繼偕、禮部侍郎韓爌、  
教習之。邸報

松松越五嶺、脫前抵渾河、棄車營、趨利牛渡、賊萬餘急逐、  
擊衝我師、爲二松血戰、突圍自午至酉、力竭、師殲焉、馬將  
軍林改由三岔出塞、翌日方抵二道關、遇賊乘勝來攻、亦  
敗績、開原僉事潘宗顏及責永、澄麻、砮砮之劉將軍、綏獨  
縱兵馬家寨、口深八三百餘里、魁卜餘寨、朔四日賊統漢  
卒裝誘墮重圍、夾攻、衣遂潰、綏及劉鋒劉坦孫等並時歿

唯清河一路李如伯已經以冬箭伐回獲全先日 賊以師  
日五星間於東方於垂發牙並折爲二又大清堡軍臨災  
火起盡燬自氣竟天三匝而師多烏合深入虎穴識者預  
知爲敗微云報至舉朝震索

一令總督汪可受移駐山海關以虎墩來檄校實申飭剿  
呂防禦召陝西總督楊應騄并肅巡撫祁光宗爲兵部左  
右侍郎起前御史劉國縉以職方主事充贊畫前御史熊  
廷弼以大理丞馳渡遼宣慰軍民兵部尚書黃嘉善率九  
卿科道叩 文華門請發 內帑特允給四十萬兩募戰  
士廷弼頗謂李如柏衰懦不堪登壇是役逗遛獨全殺六

諫巧之樞密御史周永春請都督李如楨代將 詔廷

會議於事中李奇珍獨謂李氏跋扈如楨以弟代兄出土

人擁戴恐爲唐李藩鎮之漸

上竟遣如楨往檄如栢候勘 諭經略楊鶴戴罪脉事趣

宣鎮總兵劉孔胤就近出關應援當是時李煖諸酋竝其

以賄煖鬼方沿河駐牧奴兒哈赤詐令部夷降金台失稱

損衆萬餘叛人李永芳遣奸細探三岔所聯點陰圖金首

寨頃之奴兒哈赤以零騎窺遼陽河河等堡而金台失以

奴酋男貴英把鬼陣破來告切我師之出朝鮮國王願親

畏兵三萬合勦已克今他將引萬眾從劉將軍先登遇復

盡瑩而止。關於朔三日方以二十與之三。出非則三節已。  
滿御史陳王庭請獎卹朝鮮。諭以一節屯沿江塞。奴酋  
攻寬奠鎮江路并勒北關連屯開原。俟奴犯開鐵卽與老  
寨無爲所給大學士方從老疏藉邊兵爲兵并捐俸濟餉。  
御史楊鶴因上遣中使蒞陣亡將士請卹故卹劉繼家  
屬及墾死事諸臣廟食京師以倡忠義。

四月奴酋縱掠欽嶺柴河撫安等堡。望後宣武門外嚮關  
至京玉河水盡赤。正陽門尤甚。協理戎政尚書薛三才  
總督析城伯趙世新相繼勸人人自危。虎熟鬼慙擁衆數  
萬臨城。寧遠旋去。宣鎮營兵鼓噪不赴調。詔逮治總兵。

劉孔忠勅勅褒恤朝鮮并令經略宣諭北閩頃之河東  
謀稱奴酋部夷可萬餘於撫順關外築城修寨并添清河  
路冊壕

五月二十九日奴酋深入撫順更以偏師踰鐵嶺撫安堡  
而新帥李如楨方與經略總督爭抗熊廷弼以新推背後  
今蓋自敗書初聞中外倉皇匝月爾後奉朝轉弛

上亦稍復寢格矣朝鮮方咨報奴酋後書聲嚇僭號後金  
國汗建元天命指中國爲南朝黃衣稱朕意甚恣

六月十五夜奴兒哈赤擁數萬騎從靜安堡入乘虛直薄  
開原總兵馬林等方引衆出防且倚新置城立下

西虜適市慶雲堡亦結聚志于河十月三日以三萬衆圍燕  
西堡諸賊奔潰

上乃超擢熊廷弼會都御史兼兵部侍郎代楊鎬經畧并  
從本兵議遣司屬招兵陝浙河南山東延弼疏請決策恢  
復開原

上賜劄令刻期從事起泰寧侯陳良弼總督京營召南兵  
部尚書黃克績協理戎政廷弼單騎就道司業張鵬疏請  
京營簡選鋒三千壯其行竟不及從改差御史張銓按遼  
而大司馬及職方且以人言引疾也時遼陽獲奸細數輩  
或謂明原欲攻時北關先期密報及寇至出兵二千來

而開口已宜 賜勅撫慰且北關與虎首新締婚可轉  
屬以酋奸細在兩河甚夥可即用爲間而司農以軍餉  
無措且開款令郡邑捐助有議晒之

十月抄花攻赴十方寺堡奴兒哈赤聲窺鉄嶺

上允省稅暫充遼餉左贊善徐光啓願使朝鮮宣諭應

有旨留用遣給事中姚宗文查閱後遼兵馬二十五  
日奴兒哈赤從三公堡入攻鉄嶺從寅及辰城陷益自開  
原旣赴潘鐵逃竄一空奴酋最二間謀所在力應而我偵  
備甚疎聞敵膽落開原一帶堅城應時三破良可歎也經  
略熊廷弼時携兵八百甫抵廣寧田四虜自鎮一坐合謀

勢甚急會二十八日我師崇之熊守兒屯以捷

八月二日廷弼受代翌日入遼陽斬陣北遊擊劉遇節等  
設壇躬祭撫清淵鐵死事軍民諭北滿必復意

上度新經略已受事十三日遣提騎達治揚偏御史陳王  
庚疏料總兵李如楨謂辛賽因奴酋招鐵嶺引兵爭關破  
孰如楨竟龍西虜或級爲首功經略熊廷弼亦猶如楨十  
不堪謂賊陷關原淫酗相載不能渡擊陷鐵嶺與西虜爭  
殺不能乘其厭更虛報西虜三萬合營致遼瀋驚震願急  
調李懷信代將北關且報奴酋計揭遼陽盡戮朝鮮降卒  
防內變二十一日奴兒哈赤佯殺我師擁衆數萬騎直下



金云失火自寅訖午旋陷隨攻白羊骨寨應時火發北門  
 相繼淪覆矣其後給事姚宗文奉命閱遼因訪金白部  
 落頗聞白羊骨有弟卜兒漢金台失有男得力革羅奴酋  
 寨而得力革二女長連不他娶虜酋腦毛大孫桑河兒寨  
 次中娘兒娶虎塾鬼愁會虎酋挾賞乃屬按察使袁應泰  
 遣謀虜營并授盡副總兵姜弼傳諭腦毛大及愁同仇特  
 給二女四千金示優恤以順其意科臣并請爲金白立廟  
 而前所遣指揮王世忠卽南歸齎時諱廣寧爲加銜遊擊  
 請陞實職風示四夷

論曰按海西南關王台畧忠願惜字孫無良以

寇自鐵二奴北關怨毒日深。失心王台子於十日相  
屠割而奴首袖手待其斃其矣。海西之民奴酋之點也人  
爲肉而我覆爲蛆。幾是哉。原海西密通開鐵爲我屬夷與  
東西二夷牙錯勢能離其合。近歲極北關以藩遼傳制奴  
一策而竟剪焉。胥覆爲開鐵積誰職厲借一蹶不振悲夫  
上聞報。命李懷信刻期赴遼。會經略獲奸細賈朝輔悉  
賊攻北關及遼。潘本謀奴見哈赤連破開鐵則兵益強生  
擒率賽鈴制懷更妙花數十營不敢動。取北關如拉朽。跡  
遼潘燕凡上肉耳。

上以延數台急起濯贊善徐光啓以少詹事兼河南道御史

史專祿京兵于總督汪可受回籍經略熊廷弼疏稱遼瀋陽空然難守不如還守遼陽厚集兵力

上諭酌量緩急務保孤城遇其深入巡撫周永春以六首挾率賽爲質且連煖兔諸營持諭帖激抄花虎懸啖以利及鼓舞朝鮮優恤將士疏請帑金二百萬

一元部議釋罪升郭有光劉孔胤麻丞恩各納馬贖罪往援遼初請邊將領多扣空月餉自肥遼左爲甚經略特斬遊擊陳倫以徇因決策守遼陽徙壕築垣借水爲防巡撫周永春請添兵鎮江守朝鮮前道佐聲援而少詹事徐光啓以事多肘掣疏請

上表不報

十月二日雷震廣寧謀稱奴酋方遣奸細說女柒謀焚海  
州糧草約日截運餉會遼左大軍多未戰輕略倣總兵崇  
國柱等也虎皮驛各路聯絡扼黑衝以濶置請撤回遼陽  
也食計是役調兵十八萬歲增餉可三百二十四萬金而  
羨卽陸運車餘三萬七千輛用牛七萬四千頭費頗不貲  
十一月奴兒哈赤擁衆入龍運口且但聞鐵馱運密粟二  
十一日已刻日止軍兩耳及黑氣二道芒色甚異司天失  
占而謀稱奴酋築城撫順邊外方令黃把兒等謀入犯朝  
鮮亦恐奴酋堅守牛毛寨萬通嶺廣造攻具結連蒙古燬

妙虎執諸言東西分槍已又聲犯寬莫鎮江告急俱建州

庚申 萬曆四十八年

正月遼鎮新兵全伍脫逃。奴兒哈赤多遣奸細潛伺內境。天啓一市夷數報伯要兒抄掠等與奴酋飲血約虜從三岔河迤東截漕船。奴酋從清撫犯遼陽。游騎往來撫順間。

二月十七日遼陽火藥庫忽被焚。劉城驚擾。本兵得報張皇分布京師防守。會二十一日暴風揚沙。合謂兵占已而。田汝莫謝奴酋竟寂然。建長考

四月初六日 大行皇后崩

謀稱奴酋潛犯海蓋。且誘撫兵賀世賢往援。急攻遼陽。抄花詐稱奴酋死以懈我師。運糧車赴遼河。

上以二撫河永春疏請添兵廣寧已又謀稱奴酋糾伯  
兒反者等營入犯及收江夷爲用窺海道經略以兵九稍  
集主守瀋陽漸逼賊巢奴兒哈亦未敢深入徯誘虜脫河  
西徐圖乘敵釋宰賽往會兵遣首子同叛人李永芳時引  
輕騎出沒至發偽誘招降詔侮無狀詔令改贊畫爲監  
五月召見輔臣左從哲于卧内諭以校士已有巢穴  
東事在克大衆科道稍俟間即檄發  
上深居三十餘年一朝奉此異蹟典也  
御史倪應春疏曰竊惟我

皇上靜攝深居稱朕聞不聞聲 御朝 召對之請群臣  
亦既舌敝頰禿矣而 俞旨杳然日者

聖躬違和輔臣方從哲急蒙 召見之寵噫當是時不召  
勛臣不召戚臣不召卿貳大小臣工而汲汲惓惓惟輔臣  
是篤摯者豈非以股肱心膂平日所眷注者惟此一個臣  
呼吸緩急今日所托重者亦惟此一個臣乎意輔臣仰對  
天顏俯盟幽獨瞻懷時事凡可積誠以感動之盡力以扶  
持之涕泣以開導之者宜無所不至而咫尺 龍光寥寥  
數語俄而入俄而出如枚卜銓印大寮考選發帑諸事十  
不得一以致 聖心愈厭 宮府轉瞬旬日之間不聞用



深中  
病根

一。天。行。一。政。下。二。章。奏。朱。明。祖。赫。之。侯。仍。為。隆。冬。凄。慘。之。景。有。識。者。益。不。勝。杞。憂。焉。總。由。遇。巷。納。牖。之。術。素。未。得。于。揣。摩。倉。卒。應。對。之。間。又。未。中。其。肯。綮。觀。面。失。之。千。里。宮。門。隔。若。九。關。豈。不。虛。此。良。違。哉。疏

六。月。十。二。日。乘。經。略。關。邊。離。遼。陽。以。萬。騎。由。撫。順。關。萬。騎。由。東。州。堡。入。深。至。渾。河。總。兵。賀。世。賢。柴。園。柱。設。防。藩。陽。却。之。

上。特。發。問。金。三。十。萬。兩。關。陝。永。保。援。兵。踵。通。嚴。檄。招。撫。閣。臣。方。從。樞。疏。曰。昨。蒙。

皇。上。允。補。薛。國。用。胡。加。棟。令。刻。期。赴。任。其。開。原。監。軍。二。道。

切至

并令該部速催仰見

皇上留心邊事如此其切也惟是吏部無人誰爲推補若明知有當補之官而不允用補官之人與欲其入而閉之門者何異哉

兵部疏爲夷氛正熾防禦宜嚴奉

房北清陽

聖旨云大舉深入逼近瀋陽深爲可慮着各撫兵官

督率將士極力拒堵彼此策應務挫狂鋒有觀望退縮致

誤軍機的據法處治

俱即報

七月初九日

聖諭內閣前皇太子來大行皇后几筵前祭禮因朝見朕

問安朕面諭皇太子才人王氏薨逝已久墳園未建我心未嘗頃刻忘之欲行另擇恐延歲月可就附葬于郭妃墳園之側汝意如何皇太子回奏才人誕育元孫父皇所諭附葬妃墳之側極爲便益朕見皇太子純誠孝敬朕心嘉悅卿可傳示該部遵行特諭卿知

十四日

聖諭禮部朕中宮皇后作配朕躬贊襄內治四十餘年仁敬孝慈始終一德芳聲令範中外著聞忽以疾崩逝宜有徽稱以詔來世朕遵舊典與博採羣議茲以天地宗廟社稷遣官持節發冊謚爲孝端皇后稽行循實朕不敢私爾

部便抄行天下王府及內外大小衙門知會故諭

部報

練軍少詹事徐光啓復奏略云臣練兵巡歷已周謹陳事  
勢兵情乞勅該部酌議以重防禦職至通州昌平二處  
所轄三管兵七千五百人核其年貌程其勇力俱無上等  
略能荷戈者不過二千并可充廝養者不過四千其真堪  
教練成爲精銳者不過一二百人而已既驗閱三管火銃  
器械督管官分率訓習技藝更委透曉陣法諸將教管軍  
演操方圓曲直衝五法此臣簡練之大畧也竊之征調之  
人習于兵革召募之人有志向往兩者練習猶易食派之  
兵類多老弱悉應退回抵緣始事之初人無固志恐效尤

者衆。未敢遽遣。以待稍稍安妥。然後明言。不意至今。乃有  
天段未安。全須處置者。蓋凡征調來者。向入尺籍。加以捐  
循。便無拊志。召募來者。既受安家。更給厚餉。卽教習調遣。  
久暫遠近。惟上所命。只聞散之之難。未聞留之之難也。今  
獨異是。職初簡選將畢。見有陝西河南兵告乞移文速發  
贍家銀兩者。迨後日多一日。叩其因由。皆言應役之初。所  
奉批照諭示。許以赴守京城。並不援遼。又以二年限滿。卽  
另報更替。一年之外。仍再加贍家月糧銀六兩。職聞之。不  
覺喟然而嘆。以爲練習此兵。雖費盡心力。其人不可得而  
有也。其力不可得而用也。蓋一有更番之約。卽人人日日。

只將以明之。至事隱方藏功。惟恐不在下下之科。縱使督責訓練。既有成績。而及期代去。職等兩年勞績。盡付東流矣。卽欲強之使留。乃諸人實有父母妻子。日今月報六斗銀六錢。僅足餬口。無暇及于內顧。每年贍家銀六兩。必不可少。而此銀又將取給于加編新餉。就而計之。每人每月共用銀一兩二錢。米六斗。用此月餉。卽丁近京地方召募丁壯。自足練習。且亦可久。何必使戎者慈恩居者。能偏教習之難。如登山留止之難。如搏沙而上。又負不信之名乎。三營盡多老弱。且皆不樂其處。而無長居之心。若許之更番。則來代者既須例給安家銀兩。又須通新教習子費。更

免半事無益若不許更番則第三年以後賸家銀兩歲不  
可少而其人愁怨愈深轉聚愈難若云昔年所請正是誘  
之使來自此以後可將更替賸家二議徑自寢闕置之不  
理月餉六錢米六斗給其衣食又牙以贍家而能使之安  
心練習奮勇敵愾此則情理之所必無非職所敢任也伏  
乞

三大格本  
不與包商  
編通

皇上仰 勅本部將職奏陳事理酌量人情所宜財用所  
出從長計議務令力可為繼情可為安勢可為久或有未  
妥不嫌改絃易轍以求至當職攝官承乏庶得藉手以報  
主命矣

聖諭內閣朕躬

祖宗大統歷今四十八年久因因事焦勞以致脾胃疾速不能起有負先王付託惟皇太子青宮有年實賴卿與司禮監協心輔佐遵守

祖宗保固皇圖卿功在社稷萬世不泯

二十一日酉時

帝崩司禮監傳

皇太子令旨你們會同內閣查舊規報計于各宗室其合行喪禮着禮部會同翰林院計議從優具儀註來尋又旨免命婦哭臨并祭



又傳

皇太子令旨說與督理通濟等處稅監張燁馬堂胡賓澄  
相丘來雲知道。先年開礦抽稅爲因三殿與兩宮未建。帑  
藏空虛。權宜採用。近因遼東  
戶部已加派各省  
地畝錢糧。今將礦稅盡行停止。張燁等都着撤回。原衙門  
應用。其見徵在官稅銀等銀各解進應用。該衙門知道。  
又諭內閣等衙門官員。我

父皇大行皇帝賓天。你等大小臣工俱受國家厚恩。竭忠  
報國。各要盡心供職。毋得怠惰誤事。特諭。

皇太子令旨命兵部京營提督。撥官軍皇城京城各門嚴

謹守第

禮部  
奏  
為  
查  
照  
無  
據  
之  
例  
至  
寢  
井  
禮  
之  
封  
以  
昭  
國  
典  
以  
成  
大  
孝  
口  
今  
早  
內  
閣  
方  
從  
傳  
傳

禮部為查照無據之例至寢井禮之封以昭國典以

成  
大孝口今早內閣方從傳  
皇太子殿下令旨

父皇遺言爾母皇貴妃鄭氏侍朕有年勤勞茂著着進封  
皇后卿可傳示禮部查例來行欽此臣捧誦不勝駭愕隨  
即詳考累朝典故並無此例按例其以配而后者乃敵  
體之經其以妃而后者則從子之義故累朝來豈其無  
抱親之愛而終引去席之嫌者則以例所不載也  
皇貴  
妃事

樂帝亦年果其有前例可援亦何俟今日乃不開倡議  
樂帝亦年果其有前例可援亦何俟今日乃不開倡議  
不及發詩耶

先帝志 皇貴妃之勞常不在位號之間  
廢于體

先帝之心亦不在尊崇之求且 王皇貴妃諱育  
殿下豈非

先帝所留意者乃恩與尚爾有待而欲令不屬毛離裏  
得子其子毋其號恐九原亦不無怨悵也 鄭皇貴妃賢  
而習于禮處以非禮必非其心之所樂何如曲體其心俾

得相安所爲善承

先帝者孝孰大乎此乎若祖宗故典不裁而一旦創行  
稱之天下書之史冊傳之後世將爲盛代典禮之累且

先帝之失言非所以爲孝也中庸以善繼善述爲孝所爲  
善者正財酌于義之可否也義可行則以遵命爲孝義不  
可行則以遵禮爲孝臣願

殿下體武王之孝而爲繼述之善無徒以遵命爲孝也

神宗皇帝遺詔曰朕以冲齡繼承大統君臨海內四十八  
歲于茲享國最長夫復何憾念朕嗣服之初兢兢化理期

先帝付託。地緣多病。靜攝有年。郊廟弗躬。朝講  
節御。封章多滯。像采半空。以礦稅繁興。征調四出。民生日  
促。邊釁漸開。夙夜思維。不勝追悔。方圖改轍。嘉與天下維  
新。而遽疾彌留。不復可起。蓋愆補過。允賴后人。皇太子聰  
明仁孝。睿智夙成。宜嗣皇帝位。且宜修身勤政。親賢納諫。  
以永弘圖。皇長孫。宜及時冊立。進學。瑞王。惠王。桂王。各擇  
善地。令早就藩封。大小臣工。各協恭和衷。輔理嗣君。保久  
王基。是皆朕惓惓之至意也。內閣輔臣。亟爲簡任。貳卿大  
寮。盡行推補。兩洛考選。并散館科道官。俱令投職。建言廢  
棄及礦稅註誤諸臣。酌量起用。一切惟稅并新增織造諸

造等項悉皆停止各衙門見監人犯俱送法司查審應釋  
放者釋放束師缺餉宜多發內帑以助軍需陣亡將士速  
加恤錄喪禮遵舊制以日易月二十七日釋服毋禁民間  
音樂嫁娶宗室親王藩屏爲重毋得輒離本國各處總督  
鎮邊三司官地方攸係不許擅去職守聞喪之日止于本  
處哭臨三日進香差官代行衛所府縣并王官俱免進香  
詔告天下咸使聞知

皇太子令旨今日發銀一百萬兩該部各差文武官星夜  
解赴九邊着彼處各該撫按官酌量犒賞務沾實惠具本  
奏案前遼東犒賞并奉九邊犒賞二項共與腳價銀五千

兩沿途支費不得騷擾驛遞其銀毋入太倉差官卽發不  
許延遲候事特諭

八月初一日

光宗卽皇帝位

皇明從信錄卷四十